

ՀՈԳԵԿՈՐ

ՎԻՐԱՄՏԱՆԻ ԹԵՄԻ ԱՌԱՋՆՈՐԴԻ ԿԻՐԱԿՆՈՐՅԱՆ ԲԱՐՈՋԽՈՍՈՒԹՅՈՒՆԻՅ



«ԳՐԱՄԱՌ, ՀԱՄԱԿԱՄԱՌ ԵՎ ՆԵՐԵՒՈՒ ԿԱՐԵՎՈՐՈՒԹՅԱՆ ՄԱՍԻՆ...»

Դեկտեմբերի 17-ին Թբիլիսիի Հավլաբարի Սուրբ Էջմիածին եկեղեցում, հավարտ կիրակնօրյա Սուրբ պատարագի, Վիրահայոց թեմի առաջնորդ Տեր Կիրակոս եպիսկոպոս Դավթյանը զղջման եւ ներելու խորհրդի իր քարոզխոսության մեջ, ի մասնավորի, ասաց.

- Այսօր պատարագի ընթացքում ընթերցվեց հատված Դուկասի Ավետարանից, որտեղ խոսվում է զղջալու, հասկանալու եւ ներելու կարեւորության մասին, ինչը մեր իրականության մարդկային հարաբերությունների առանցքն է: Մենք ապրում ենք կողք-կողքի, շփվում միմյանց հետ, երբեմն նույնիսկ վիճում, նեղանում, տարիներ շարունակ խռով պահում, առանց վերլուծելու պատճառները, մեր կողմից ներելու եւ կամ՝ դիմացինի ներողամտությանն արժանանալու համար:

Նույնպիսին է Աստծու հանդեպ մեր վերաբերմունքը: Մենք շատ անգամ մտածում ենք, որ, ոչինչ, այս անգամ էլ կանենք, միաժամանակ գիտակցելով, որ սխալ ենք գործում, մեզ հույս տալով, որ կգնանք, կխնդրենք Աստծուն ու նա մեզ կներ:

Նախեսառաջ, ոչ մեկը մեզանից չի կարող ասել, թե երբ է Աստված մեր հոգին մեզանից վերցնելու, ուստի, վստահ լինել, որ վաղը կգնանք, կապաշխարհենք եւ Աստված մեզ կներ, չենք կարող: Ապաշխարհանքը եւ զղջումը կյանքի մեծ ու կարեւոր արժեքներ են: Մենք հաճախ մտածում ենք, որ մի օր կբայլենք ճիշտ ճանապարհով կամ կգնանք եկեղեցի, ծնկի կգանք Աստծու առաջ եւ Աստված մեզ կներ: Բայց ինչպե՞ս կարող ենք վստահ լինել արժանի ենք Աստծու ներմանը, թե՛ ոչ...

Մի իրական պատմություն կա. ընտանիքի հավատարիմ շունը տարիներ շարունակ ապրելով նույն ընտանիքում, դարձել էր ընտանիքի անդամը: Տանը նաեւ փոքր երեխա կար: Մի օր մայրը դուրս է գալիս տանից, երեխային թողնելով շան հետ:

Երբ վերադառնում է, տան մեջ քրքրված շորի կտորներ, արյան հետքեր է տեսնում ու պատկերացրեք, թե հոգեկան ինչ վիճակում է հայտնվում: Մանավանդ, երբ նույն պահին մահճակալի տակից դուրս է գալիս շունը՝ դուռն է ամբողջությամբ արյունոտ: Մոր աչքերի առջև ամեն ինչ մթնում է: Իրեն կորցրած՝ սկսում է փայտով հարվածել շանը այնքան, մինչեւ կսատկեր շունը... Ու հանկարծ տան մյուս անկյունում տեսնում է հանգիստ խաղացող փոքրիկին:

Մայրը մոտենում է երեխային ու տեսնում կողքին ընկած պատառ-պատառ օձին: Ամմիջապես հասկանում է, թե ինչ է կատարվել, բայց արդեն ուշ էր...

Ապաշխարհությունը մարդուն տված է, որպեսզի նա կարողանա գիտակցել դա ամեն վայրկյան եւ ոչ թե կյանքի վերջին պահին:

Երբ մի իմաստուն հոգեւորականին հարցնում է, թե ինչ է ապաշխարհությունը, պատասխանում է. «Երբ մտնում ես մուր սենյակ ու ոչ թե թուղթ վերցնում, որպեսզի թափահարելով մութը ցրես, այլ վառում ես լույսը, բացում պատուհանները ու այդպիսով լուսավորում սենյակը»:

Այսպիսին է նաեւ մարդու հոգին: Մենք այն պահում ենք մութ սենյակի նման եւ չենք բացվում Աստծու առջեւ, ապաշխարհանքը հենց այն է, երբ կարողանում ենք բացել մեր ներաշխարհը Աստծու առջեւ եւ ասել. «Տեր Աստված, մեղանչել եմ, ինձ ներիր, եւ մենք՝ որպես մարդիկ կարող ենք հասկանալ ու ներել մեկս մյուսին»: Պատկերացրեք, թե որքան մեծ կլինի մեր Տեր Աստծո ներողամտությունը, եթե մենք անկեղծ սրտով, ամբողջ հոգով ապաշխարհենք ու զղջանք:

Թող Աստված յուրաքանչյուրիս մեջ հզորացնի հավատքը, հզորացնի ուժը, որպեսզի մենք կարողանանք ոչ միայն եկեղեցի գալ, մոմ վառել ու ասել՝ ես հավատացալ եմ, ես հաճախում եմ եկեղեցի, այլ որպես իսկական քրիստոնյաներ՝ մեկս մյուսին ներենք ու շրջվելով դեպի Աստված, հայցենք նրա ներողամտությունն ու օրհնությունը:

Օրինյալ լինեք բոլորդ:

ՆԱԽԱԴՊՐՈՑԱԿԱՆ

ԱՄԱԼՅԱ ՄՂԴԵՍՅԱՆ. «ՆՈՐ ՕՐԵՐԻ ՇՆՉՈՎ ԵՆ ԱՊՐՈՒՄ ՄԵՐ ՄԱՆԿԱՊԱՐՏԵՁՆԵՐԸ»

Ոմանց կարծիքով՝ հայրենիքը սկսվում է սեփական տան շենից, նրա շրջակա պարտեզից եւ տարածվում հեռո՛ւ-հեռուներ: Մյուսները պնդում են, որ հայրենիքը սկսվում է իրենց մոտի Սրբին սարից, որտեղ յուրատեսակ աղոթավայր է, իսկ մեր ջավախքցիների ասածով՝ հայրենիքը սկսվում է Թափարվան գետի վրա Թամար թագուհու կառուցած կամուրջից, որը շրջակա բնակավայրերը կապում է արտաքին աշխարհի հետ: Ավելի հեռատեսների համար հայրենիքը սկսվում է դպրոցից, դպրոցի ակունքը համդիսացող մանկապարտեզից, ուր փոքրիկները ոտք են դնում որպես նախադպրոցական երեխաների դաստիարակության հիմնարկ:

Այս անգամ մեր մեր թղթակցությունը «Վրաստանին», Նինոծմինդայի մունիցիպալիտետի մանկապարտեզների մասին է:

Նինոծմինդայում առաջին մանկապարտեզը բացվել է անցյալ դարի կեսերին, Բոգդանովկայի շրջկենտրոնում: Յետո մի քանի գյուղերում էլ բացվեցին մանկապարտեզներ, որոնք, չգիտես ինչու, լայն ընդգրկում չունեցան: Մանկապարտեզներն ուշադրության կենտրոն բերվեցին Վրաստանն ազատ ու անկախ պետություն հռչակվելուց հետո:

Մանկական հիմնարկը գնալով ընդլայնվեց, ավելի շատ թվով երեխաներ ընդգրկելով: Այժմ մունիցիպալիտետի բնակավայրերի գրեթե կեսն ունի մանկապարտեզ, որոնցից երկուսը Նինոծմինդա քաղաքում են: Ասենք, որ միայն վերջին տարում նոր մանկապարտեզներ բացվեցին Փոքր Խանչալի, Ղուլալիս եւ Ռոդիոնովկա գյուղերում: Մանկապարտեզ է հաճախում 3-6 տարեկան հասակի ավելի քան 900 երեխա: Նրանց դաստիարակությամբ զբաղված է 165 մանկավարժ: Բացի այդ, Վրաստանի վարչապետի ծրագրով, 20 հոգի լրացուցիչ ընդունվել է աշխատանքի անապահով ընտանիքներից: Մանկապարտեզներում հիմնականում աշխատում են մասնագետ-կադրեր, որոնց որակավորումը, մունիցիպալիտետի բնակիչների հավաստմամբ, գնալով բարձրանում է:

Օրերս եղանք Նինոծմինդա քաղաքի թիվ 1 մանկապարտեզում, ծանոթացանք տեղի առօրյային: Օգտվելով ձմռան տաք եղանակներից, դաստիարակչուհիները փոքրիկներին դուրս էին բերել բացօթյա զբոսանքի: Յենց այդ պահին էլ մոտեցավ տնօրենը՝ վայելչազեղ, բարեխմբային, հաճելի արտաքինով Ամալյա Մղդեսյանը: Նա պատմեց, մանկապարտեզի սեյակները տաք են, լուսավոր ու հարմարավետ, կահավորված անհրաժեշտ պարագաներով, իրենց ցանկությամբ երեխաները, նրանց հետ զբաղվում են ազատ խաղերով: Յետո սկսվում է զրույցը տարվա եղանակների, ամիսների, շաբաթվա օրերի մասին: Այնուհետեւ լսվում է օրվա երգը, արտասանվում օրվա ուտանավորը: Այս ամենն ուղեկցվում է երաժշտությամբ, ռիթմիկ շարժումներով, երաժշտության հնչյունների տակ էլ կատարվում է նախավարժանք:

Նախաճաշից հետո գործում է երաժշտության ժամը, անցկացվում են ուսուցողական խաղեր: Ահա այսպես հագեցված է անցնում մանկապարտեզի առօրյան:

- Նոր օրերի շնչով են ապրում մեր մանկապարտեզները,- ասաց Ամալյա Մղդեսյանը:- Սկսած 2020 թվականից գործում է երկվեզու ուսուցում՝ հայերեն եւ վրացերեն: Այդ ծրագրում ընդգրկված են երիտասարդ մասնագետներ, որոնք սովորել են Վրաստանի բուհերում: Միայն քաղաքի երկու մանկապարտեզում այժմ աշխատում է նման 9-ը մասնագետ: Վերջերս գործողության մեջ է դրվել «Ծնողի ժամ» ծրագիրը, որն ավելի է ամրապնդում ծնող-մանկապարտեզ կապը: Տնօրենը դժվարացավ թվարկել



կել առավել աչքի ընկնող դաստիարակչուհիներին: 2Զ՞ որ բոլորն էլ լավ են աշխատում, չես կարող մեկին մյուսից առանձնացնել: Եթե Նունե Ստամբուլցյանի անունը ասում, ապա էկա Անթաթեն ու Տիրուն Սնիշյանը չե՞ն ասի, թե ի՞նչ է, իրենք վա՛տ են աշխատում, նմանապես եւ մյուսները: Մի խոսքով, թե-րացողներ չկան:

Տնօրենը տեղեկացնում է նաեւ, որ մանկապարտեզի աշխատանքը մշտապես գտնվում է քաղաքապետարանի ուշադրության կենտրոնում, շատ հարցերում օգնում են, օժանդակում: Յենց քաղաքապետարանի եւ անձամբ քաղաքապետ Անի Սոսոյանի նախաձեռնությամբ ծրագրված է, որ գյուղական մանկապարտեզները նույնպես պետք է ապահովվեն սնունդով, իհարկե, անվճար եւ անհրաժեշտ է երկարաձգել մանկապարտեզի աշխատաժամերը: Նկատենք, որ եթե քաղաքի մանկապարտեզներում այն սկսվում է ժամը 9.30-ին եւ ավարտվում 17.00-ին, գյուղերում այն սկսվում է նույնպես ժամը 9.30-ին, բայց ավարտվում 13.00-ին: Աշխատաժամերը նոր տարվանից երկու ժամով կերկարաձգվի եւ աշխատանքը կավարտվի 15.00-ին:

Մանկապարտեզների օրինակելի աշխատանքը, ինչ խոսք, շատ բանով պայմանավորված է տնօրենի աշխատանքով: Նինոծմինդայի մունիցիպալիտետի մանկապարտեզների միավորման տնօրենը՝ Ամալյա Մղդեսյանը, ծնունդով ախալցխեցի է: Ավարտել է Թբիլիսիի Իվանե Ջավախիշվիլու անվան համալսարանի երկվեզու (վրացերեն եւ հունարեն) ֆակուլտետը: Մագիստրատուրան անցկացրել է Յունաստանում: Ամուսնացել է Նինոծմինդա քաղաքում, 2007 թվականին եւ աշխատանքի անցել Նինոծմինդայի թիվ 2 դպրոցում՝ որպես վրաց լեզվի ուսուցչուհի: 2020 թվականից Նինոծմինդայի երկրորդ մանկապարտեզի վարիչն էր, իսկ 2022-ից մունիցիպալիտետի մանկապարտեզների միավորման տնօրենն է:

Հրաժեշտ ենք տալիս թիվ 1 մանկապարտեզին, մեզ հետ տանելով նրա հաճելի մթնոլորտը եւ տնօրենի անխոնջ ու ոգեշունչ աշխատանքը:

ԳՈՐԴԵՆ ԴԱՐՍԼՅԱՆ
ՄԱՆՈՒԿ ԿԱՐԱԽԱՆՅԱՆ

Նինոծմինդա

ԲԱՐԵԳՈՐԾՈՒԹՅՈՒՆ

ԳԱԳԻԿ ԲԵՉՈՅԱՆԸ ԵՎ ՆՐԱ ՆԱԽԱՁԵՌՆԱԾ «ԿԱՏԱՐԻՐ ԲԱՐԻ ԳՈՐԾ» ԽՈՒՄԲԸ



մթնշաղին են սկսում վարել, ցանել, հնձել - թագավորում է հողի բույրը, հովիվների սուլոցն ու արբեցնող ար-

տերի բույրը: Դե եկ ու մի սիրե քո ծննդավայրը, ու մի արբեցի հայրենիքի սիրով:

Գագիկ Բեգոյանը հայրենի Յեշտիա գյուղի դպրոցն ավարտելուց հետո, բնակություն հաստատեց այլ երկրում - գործի բերումով այդպես ստացվեց, աշխատեց, ընտանիք կազմեց, հայրենի գյուղին ու նրա մարդկանց հոգսերին ունկնդիր: Երբ արդեն կայացած անհատ դարձավ, որոշեց հայրենի գյուղի հոգսերի, խնդիրների լուծմանը մասնակից լինել, խորհրդակցելով իր նման նմիրյալների հետ ստեղծել մի խումբ, որը հանգանակումներով գումար կուտակելով, օգնի գյուղի եւ, ինչու չէ, նաեւ շրջանի կարիքավորներին ու տկարներին, խումբը կոչվեց «Կատարիր բարի գործ», որի առաջին քայլը՝ շրջկենտրոնում հիվանդ երեխայի բուժման համար գումար հատկացնելն էր, ապա՝ գյուղի միայնակներին ու հի-

վանդներին օգնելը: Իսկ երեք տարի առաջ որոշեցին կառուցել մեծ զբոսայգի: Բոլոր ջանքերը ներդրվեցին զբոսայգին կյանքի կոչելու համար:

Այսօր գյուղն ունի գեղեցիկ զբոսայգի բոլոր հարմարություններով, գյուղի բոլոր մեծ միջոցառումները անցկացվում են «Մշո այգում», այսպես է կոչվում զբոսայգին:

Գագիկը չի բավարարվում, հանգիստ նստելը նրա տարերքը չէ, նորանոր մտքեր ու նախաձեռնություններ է ձգտում կյանքի կոչել՝ հանուն իր այդքան շատ պաշտելի հայրենի գյուղի:

Ուղիղ արդար է, ապագադ պայծառ, հոգիդ նվիրյալ գավակ Գագիկ Բեգոյան:

ԼԱՆԱՋԱՐ ՍՐՈՅԱՆ

Նինոծմինդայի մունիցիպալիտետի Յեշտիայի թիվ 2 հանրային դպրոցի տնօրեն

ԱՄՍՆՈՐԻՆ ԸՆԴՈՒԱԶ



ՎԻՇԱՊՆԵՐԸ ԱՐՔԱՅԱԴՈՒՄՏՐԵՐ ԶԵՆ ՀԱՓՇՏԱԿՈՒՄ...

Տարիները թռչում են: Լույսի արագությամբ... Եվ ահա դիմավորում ենք Վիշապին: Եվ նա, ինչպես մեր ճակատագրերի մյուս «տիրակալները», ունի իր քմահաճույքներն ու պահանջները: Նրա աջակցությանն արժանանալու համար՝ մեզանից պահանջվում է ջանքեր գործադրել:

ՍԿՍԵՆՔ ԱՄԵՆԱՅԻՄՆԱԿԱՆ ԽՈՐՀՈՒՐԴՆԵՐԻՑ

Վիշապի սիրտը շահելու համար՝ ձեր բնական զարդարեք փայտե տարբեր առարկաներով՝ խաղալիքներ, տուփեր, երեխաների սարքած իրեր...

Ամուսնացած այն զույգերը, ովքեր ծրագրում են երեխա ունենալ, թող շտապեն դա անել, որովհետև Վիշապի տարին այդ հարցում ամենահարմարն է: Այս ընթացքում ծնված երեխաները կլինեն տրամաբանող, խաղաղ եւ շատ աշխատասեր:

Ամանորյա գիշերը տեսած երագները ջանացեք մտապահել, քանի որ դրանք իրականացող երագներ են:

Ինչքան էլ շատ լինեն Ամանորի ծախսերը, աշխատեք ձեր փողի քսակը չդատարկել, թող նրա մեջ մնա թեկուզ ամենաչնչին մանրադրամը:

Վիշապին դիմավորելիս՝ հոգացեք, որ բնակարանում ամեն ինչ լինի կատարյալ մաքուր, տիրի կարգուկանոն, հին իրերը հնարավորինս փոխարինված լինեն նորերով:

ԻՍԿ ԴԻՄԱ ԽՈՐՀՈՒՐԴՆԵՐ ԱՅՆ ՄԱՍԻՆ, ԹԵ ԻՆՉՊԵՍ ՊԱՇՏՊԱՆՎԵԼ ՎԻՇԱՊԻ ԶԱՅՐՈՒՅԹԻՑ ԵՎ ԹԵ ԱՄՍՆՈՐԻ ԳԻՇԵՐԸ ԻՆՉ ՊԵՏՔ Է ԱՆԵԼ ՈՒ ԻՆՉ ԶԱՆԵԼ

Առաջին հերթին զգուշացնենք, որ չպետք է մեկուսանալ: Զեզ շրջապատեք ձեզ հաճելի մարդկանցով: Եթե ոչ ողջ գիշեր, ապա, մի երկու ժամով թեկուզ, պետք է լինել շրջապատի ընկերակցությամբ: Խստիվ արգելված է տխրել ու խղճալ ինքն իրեն: Դիտեք ուրախ կոմեդիաներ, լսեք ձեր սիրած երգերը եւ ամպայման խմեք մի գավաթ շամպայն, առանց որի Վիշապը ձեզ ոչ մի հաջողություն չի տա...

Զի կարելի Վիշապի տարին դիմավորել պարտքերով: Ամեն կերպ փորձեք ազատվել ունեցած մեծ ու փոքր պարտքերից:

Մինչ Նոր տարվա սկիզբը՝ ժամը 12.00-ից երեք-չորս ժամ առաջ, մի՛ զբաղվեք բնակարանի մաքրությամբ, ցանկալի է, որ, արդեն դեկտեմբերի 31-ի լուսաբացացից, բոլոր ծանր գործերն ավարտված լինեն: Վիշապի ցանկությունն է՝ տեսնել, հոգսերից ազատված, հանգստացած կանանց եւ՝ խնամված տղամարդկանց:

Զթափեք տան աղբը հունվարի 1-ի առավոտյան, սպասեք երեկոյին կամ, որ ավելի լավ է, ազատվեք նրանից հունվարի 2-ին: Այսքանը «չի կարելիների» վերաբերյալ:

ԴԻՄԱ ԱՆԴՐԱԴՈՒՆԱՔ ՏՈՒՆԱԿԱՆ ՀԱԳՈՒՄՏԻՆ: ԱՅՍ ՀԱՐՑՈՒՄ ԹԵՎ ՏՐԿՈՒՄ Է ԱԶԱՏՈՒԹՅՈՒՆ, ԲԱՅՑ ԵՎ ԿԱՆ ՈՐՈՇ ՍԱՀՄԱՆԱՓԱԿՈՒՄՆԵՐ... ՎԻՇԱՊԸ ԶԻ ՍԻՐՈՒՄ

Թունդ-շագանակագույնը: Համառություն եւ մարտահրավեր խորհրդանշող այս գույնը, Վիշապի կարծիքով, այնքան էլ սազական չէ գեղեցիկ սեռին: Իսկ տղամարդիկ աներկյուղ կարող են կրել այդ գույնի կոստյում:

Խուսափեք նաեւ մուգ-դեղին երանգից: Հին Զինաստանում այդ գույնը սահմանված էր կրել կայսրության ընտանիքներին: «Բայց ինչ տրված է Յուպիտերին, չի տրված ցուլին...», - ասում է չինական առածը: Այսօր Զինաստանում շատերը մուգ-դեղինը վուլգար գույն են համարում:

Սպիտակը կարծես հարմար է ամեն իրավիճակի համար, բայց դարեր շարունակ Զինաստանում սպիտակը խորհրդանշում էր մահ: Այնպես որ, Վիշապին մնան զգեստը հագիվ թե դուր գա:

Ի վերջո ինչպիսի՞ն պետք է լինի ամանորյա շրջագգեստը: Ինչ ասել կուզի՝ չպետք է լինի շատ խիստ ու պաշտոնական: Վիշապը ժանյակի դեկորատիվ, ծալքերի սիրահար է: Նրան շատ դուր կգան արհեստական քարերը եւ ժանյակները: Դեմ չի լինի նաեւ՝ կարճ, սեւ զգեստի՝ մեջքի ընդգծված բացվածքով:

ԻՍԿ ԱՅԺՄ ՄԻ ՔԱՆԻ ԽՈՐՀՈՒՐԴ ԱՍՏՂԱՆՇԱՆՆԵՐԻՆ: ՔԱՆԻ ՈՐ ՄԵՆՔ, ԸՆԴՀԱՆՐՈՒԹՅՈՒՆՆԵՐՈՎ ՀԱՆԴԵՐԶ, ԽԻՍՏ ՏԱՐԲԵՐ ԵՆՔ ԻՐԱՐԻՑ, ՈՒՐԵՄՆ, ՏԱՐԲԵՐ ԿԼԻՆԵՆ ՆԱԵՎ ԽՈՐՀՈՒՐԴՆԵՐԸ

ԽՈՅԸ վառ գույնի սիրահար է եւ առանց տատանվելու կարող է ընտրել կարմիրը: Դա հաջողություն կբերի նրան:

ՑՈՒԼԻՆ աստղագուշակները խորհուրդ են տալիս նախապատվություն տալ կանաչ գույնին:

ԵՐԿՎՈՐՅԱԿՆԵՐ, ձեզ հարմար է սեւը: Զմռանաք այն ներդաշնակել փայլուն վզնոցով եւ ապարանջանով:

ԽԵՑԳԵՏՆԻ համար կարելու է սահող կտոր ընտրել եւ, իսկ գույնը ցանկացած՝ կապույտ, յասաման, բաց-շագանակագույն... Խուսափեք միայն մուգ-կանաչից:

ԱՌՅՈՒԾԸ կարող է կրել համեստ, բամբակյա զգեստ, բայց ականջօղերն ու մատանին ցանկալի է լինեն բարձրակարգ ու թանկարժեք:

ԿՈՒՅՄԵՐԻՆ տոնի գիշերը առանձնապես կսազի ռոմանտիկ, երեկոյան զգեստ՝ փոքր-ինչ թափանցիկ, թեթեւ արհեստական քարերով: Եվ՝ ոչ մի զարդարանք:

ԿՇԵՈՔՆԵՐ, ձեզ անհրաժեշտ է անթերի հարդարանք, բարձրակրունկ կոշիկներ, վառ հուլունքներ...

ԿԱՐԻՃԻՆ խորհուրդ է տրվում կարմիր գույնը: Վառ երանգի եղունգի լաք եւ կարճ կիսաշրջագգեստ: Կարող եք հագնել նաեւ տաբատ՝ նուրբ վերնաշապիկի համադրությամբ:

ԱՂԵՂՆԱՎՈՐՆԵՐԸ կարող են կրել մետաքսյա կոմբինեզոն: Այդ գիշեր ձեզ գրավչություն կտան փիրուզի եւ նուրբ-երկնագույն երանգները, իսկ ապարանջանը թող արծաթյա լինի:

ԱՅԾԵՂԱՅՈՒՐԸ միշտ առանձնանում է զուսպ ճաշակով: Դե ինչ, Նոր տարում նրա համար իդեալական կլինի սեւ շրջագգեստը՝ մեջքին նուրբ ճեղքով: Եվ՝ չմոռանաք մազերին վարդ ամրացնել:

ԶՐԴՈՍԸ ամենախորհրդավոր ու հանելուկային խորհրդանիշն է: Կանանց նախընտրելի է հագնել տունիկա (պարեգոտ) եւ անպայման կրել ոսկե զարդարանք:

Կին **ԶԿՆԵՐԻՆ** հարմար են ժանյակներ, փետրագնդեր, թեթեւ կտորից զգեստ: Իսկ որպես զարդարանք՝ արհեստական ծաղիկ ու փայլուն «անձրեւ» մազերին:

Պատրաստեք **ՋՈՒԼԻԵՏԱ ԲԱՂԱՅԱՆԸ**

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ԱՇԽԱՏԱՆՔԱՅԻՆ ՀԱՆԴԻՊՈՒՄ ԵՎՐԱՄԻՈՒԹՅԱՆ «ՀԱՐԿԱՅԻՆ ԾՐԱԳՐԻ» ՇՐՋԱՆԱԿՆԵՐՈՒՄ

Վրաստանի ֆինանսների նախարարության եկամուտների ծառայությունը, Եվրամիության «Հարկային ծրագրի» (Fiscalis) շրջանակներում, հյուրընկալեց աշխատանքային հանդիպումը: Վերոնշյալ միջոցառմանը ներկա էին 22 երկրների հարկային վարչակազմների 36 ներկայացուցիչները: Հանդիպման նպատակն էր ծրագրով նախատեսված ակտիվությունների իրականացման եւ դրանց վարչարարության գործընթացի հետ կապված մարտահրավերների նորույթների քննարկումը:

Աշխատանքային հանդիպումը բացեց միջազգային հարաբերությունների դեպարտամենտի պետի տեղակալ Դաչի Քինքլաձեն: Նա ընդգծեց «Հարկային ծրագրի» դերը ինչպես հարկային ոլորտում, այնպես էլ նախադրյալ՝ որպես Եվրամիության հետ հետագա մերձեցման եւ եկամուտների ծառայության հնարավորությունների հզորացման:

Հատկանշական է, որ 2022 թվականին Վրաստանը դարձավ Եվրամիության «Հարկային ծրագրի» լիարժեք անդամը, իսկ 2023 թվականի, ծրագրի շրջանակներում, եկամուտների ծառայությունը ստացավ դրամաշնորհ, որի

միջոցով հնարավոր դարձավ ֆինանսավորել Եվրամիության կողմից սահմանված առաջնահերթային ուղղությունների հաշվառմամբ անցկացված միջոցառումները:

Հատկանշական է նաեւ, որ վերոնշյալ աշխատանքային հանդիպումը, Վրաստանում Եվրամիության «Հարկային ծրագրի» շրջանակներում, անցկացված առաջին միջոցառումն է, եւ այն լրիվությամբ ֆինանսավորվում վերոնշյալ դրամաշնորհով: Աշխատանքային հանդիպմանը, որն անցկացվեց երկխոսության ձևաչափով, ներ-



կա էին եկամուտների ծառայության ֆինանսների դեպարտամենտի եւ միջազգային հարաբերությունների դեպարտամենտի աշխատակիցները:

ԿԱՆԽՎԵԼ Է ՄԵԾ ՔԱՆԱԿՈՒԹՅԱՐ ԶԱՅՑՏԱԳՐՎԱԾ ՈՍԿԵՂԵՆԻ ՆԵՐԿՐՄԱՆ ՓՈՐԶ

Վրաստանի ֆինանսների նախարարության եկամուտների ծառայության մաքսային աշխատակիցների կողմից, սահմանային «Քութայիսի օդանավակայան» եւ «Սադախլո» ավտոմոբիլային մաքսային անցակետերում, կասկածի հիման վրա, Վրաստանի եւ օտարերկրյա քաղաքացիների ինչպես ֆիզիկական, այնպես էլ՝ նրանց ուղեբեռի խուզարկության արդյունքում, հայտնաբերվել է մեծ քանակությամբ չհայտագրված ոսկեղեն՝ 468,15 գրամ ընդհանուր քաշով: Զիստագրված ոսկեղենի ընդհանուր մաքսային արժեքը կազմում է 47146,64 լարի:



Վրաստանի մաքսային օրենսգրքի 168 հոդվածի առաջին մասի համաձայն, օրինախախտում թույլ տված երկու քաղաքացիների, որպես պատիժ, սահմանվել է 28458,07 լարիի տուգանք, իսկ մեկ օտա-

րերկրյա քաղաքացու իրավախախտման մասին նյութերը, հետագա արձագանքման համար, ուղարկվել են ֆինանսների նախարարության հետաքննչական ծառայություն:

ՄԱՔՍԱՅԻՆ ԴԵՊԱՐՏԱՄԵՆՏԸ ՀՅՈՒՐԸՆԿԱԼԵՅ՝ ՃԱՊՈՆԻԱՅԻ ԴԵՄՊԱՆՈՒԹՅԱՆ ՆԵՐԿԱՅԱՅՈՒՅԻՉՆԵՐԻՆ

Դեկտեմբերի 19-ին, Վրաստանի ֆինանսների նախարարության եկամուտների ծառայության դեպարտամենտը հյուրընկալեց ճապոնիայի դեսպանության երկրորդ քարտուղար, անվտանգության բաժնի ղեկավար Կեն Հիրատային:

Այցի շրջանակներում, դեսպանության աշխատակիցը եղավ Քութայիսի եւ Բաթումի միջազգային օդանավակայաններում, ինչպես նաեւ Սարփիի սահմանային անցակետում եւ տեղում ծանոթացավ սահմանային ստուգման ընթացակարգին: Աշխատանքային հանդիպմանը՝ կողմերը խոսեցին գործընկերային հարաբերությունների մասին



եւ քննարկեցին ճապոնիայի կառավարության կողմից, տեխնիկական օգնության շրջանակներում, ծրագրված կարելու նախագծերը:

ՀԱՅԱՍՏԱՆ. Փառքեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՆԻԿՈՒ ՓԱՇԻՆՅԱՆ. «ՄԵՐ ՆՊԱՏԱԿՆ Է, ՀԱՅԱՍՏԱՆՈՒՄ ԱՊՐԵԼՈՎ, ՄԱՐԴՆ ԻՐԵՆ ՀԱՐՄԱՐԱՎԵՏ ԶԳԱ»

ՔՆՆԱՐԿՈՒՄՆԵՐ` ՀԱՅԱՍՏԱՆԻ ԺՈՂՈՎՐԴԱԳՐԱԿԱՆ ՈՍՉՄԱԿԱՐՈՒԹՅԱՆ ՆԱԽԱԳԾԻ ՄՇԱԿՄԱՆ ՀՈՐԶ

Դեկտեմբերի 20-ին, Հայաստանի վարչապետ Նիկոլ Փաշինյանի գլխավորությամբ, անցկացվեց խորհրդակցություն, որի ընթացքում շարունակվեցին Հայաստանի ժողովրդագրական ռազմավարության նախագծի մշակման վերաբերյալ քննարկումները: Խորհրդակցությանը ներկայացվեցին նախորդ քննարկման արդյունքում կատարված աշխատանքները, ռազմավարության նախատվածներն ու դրանից բխող ծրագրերը եւ միջոցառումները:

Մասնակիցները մտքեր փոխանակեցին նախագծի շուրջ, ներկայացրին իրենց դիտարկումները ռազմավարության նախատվածների ու ակնկալվող միջոցառումների վերաբերյալ:

Սա մեր հիմնարար ռազմավարությունն է, որովհետեւ, ի վերջո, մեր նպատակն այն է, Հայաստանում ապրելով, մարդն իրեն հարմարավետ զգա: Ըստ էության, մեր բոլոր ռազմավարությունները, քաղաքականությունները մեծ հաշվով միտված են սրան,- մշեց կառավարության ղեկավարը ընդգծելով, որ ռազմավարությունները եւ ճանապարհային քարտեզներն ինտեգրելու եւ սինխրոնիզացնելու անհրաժեշտություն կա:

Վարչապետն ընդգծեց նաեւ ռազմավարությունների շարունակական վերանայման անհրաժեշտությունը, որը կնպաստի դրանց լիարժեք իրագործմանն ու արդյունավետության բարձրացմանը:



Նիկոլ Փաշինյանը հանձնարարեց, հիմք ընդունելով հնչած դիտարկումները եւ ռազմավարության նախագծի շուրջ շահագրգիռ կողմերի քննարկումները, նախագծում իրականացնել համապատասխան լրամշակումներ:

ՀԱՆԴԻՊՄԱՆ ՕՐԱԿԱՐԳՈՒՄ ՏԱՐԱԾԱՆԵՐՁԱՆԱՅԻՆ ԻՐԱՎԻՃԱԿԻ ՀԱՐՁԵՐՆ ԷԻՆ

Դեկտեմբերի 20-ին, Հայաստանի վարչապետ Նիկոլ Փաշինյանը հանդիպում ունեցավ Միջազգային ծգնաժամային խմբի նախագահ Կոմֆորտ Էրոյի հետ:

Հանդիպմանը գրուցակիցները քննարկեցին տարածաշրջանային իրավիճակին վերաբերող հարցեր, անդրադարձ կատարվեց Հարավային Կովկասում կայունության ու տեւական խաղաղության հաստատման հնարավորություններին, Հայաստան-Ադրբեջան հարաբերությունների կարգավորման գործընթացին ու վերջին զարգացումներին:

Նիկոլ Փաշինյանը ներկայացրեց հայկական կողմի դիրքորոշումները, այդ թվում խաղաղության պայմանագրի սկզբունքների վերաբերյալ:

Մ տ ք ե Ր փոխանակվեցին Ադրբեջանի կողմից էթնիկ զտման հետեւանքով Լեռնային Ղարաբաղի բռնի տեղահանված անձանց հուճկալիքներին, որոնց լուծման ուղղությամբ Հայաստանի կառավարության կողմից



իրականացվող ծրագրերի շուրջ: Երկուստեք կարեւորվեց միջազգային հանրության աջակցությունը:

ՀԱՅԱՍՏԱՆԻ ԳԼԽԱՎՈՐ ՏՈՆԱԾԱՌԻ ԼՈՒՅՍԵՐԸ ՎԱՌՎԵՑԻՆ



Դեկտեմբերի 19-ին, Երեւանի Հանրապետության Հրապարակում, հանդիսավոր արարողությամբ, վառվեցին գլխավոր տոնածառի լույսերը:

Հանդիսավոր արարողության մեկնարկին Հայաստանի պետական սիմֆոնիկ նվագախմբի կատարմամբ հնչեցին Արամ Խաչատրյանի հայտնի ստեղծագործությունները: Ծրագիրն է՝ ավելի գունեղ դարձրին «Բարեկամություն» անսամբլի սաները, ինչպես նաեւ «Swag Art School»-ի երեխաները:

Երեկոյին ներկա էին Երեւանի քաղաքապետ Տիգրան Ավինյանը, պաշտոնատար այլ անձինք, բազմաթիվ քաղաքացիներ:

Լույսերի վառվելն ուղեկցվեց տոնական հրավառությամբ:

ՔԱՂԱՔԱՑԻՈՒԹՅՈՒՆ ՉՈՒՆԵՑՈՂ ԱՆՁԱՆՑ ՀԱՅԱՍՏԱՆՈՒՄ ԾՆՎԱԾ ԵՐԵՒԱՆԵՐԸ, ԿՍԱՆԱՆ ՀԱՅԱՍՏԱՆԻ ՔԱՂԱՔԱՑԻՈՒԹՅՈՒՆ

Քաղաքացիություն չունեցող անձանց Հայաստանում ծնված երեխաները` Հայաստանի քաղաքացիություն ձեռք բերելու իրավունք կստանան առանց դիմումի:

Ներքին գործերի նախարարության Միգրացիայի եւ քաղաքացիության ծառայության ներկայացմամբ` Ազգային ժողովի պաշտպանության եւ անվտանգության հարցերի մշտական հանձնաժողովի նիստում, քննարկվեց «Հայաստանի Հանրապետության քաղաքացիության մասին» օրենքում լրացումներ եւ փոփոխություն կատարելու մասին օրենքի նախագիծը: Նախագծի առաջարկներից մեկը քաղաքացիություն չունեցող անձանց եւ ապաքաղաքացիության դեմ պայքարի տրամաբանության մեջ է:

Նախագծով հստակեցվում է նաեւ ու օրենքում ֆիքսվում այն մասին, որ ծնողներից մեկի քաղաքացիության դադարեցման պարագայում միայն, կարող է սկսվել անչափահասի քաղաքացիության դադարեցման վարույթ: Նախագիծը հավանություն ստացավ եւ դրական եզրակացությամբ կընդգրկվի ԱԺ լիազումար նիստերի օրակարգում:

ՀԱՅ ՎԱՐՊԵՏՆԵՐԻ ԶԵՌԱԳՈՐԾ ԱՇԽԱՏԱՆՔՆԵՐԸ` ՄՏՐԱՄԲՈՒՐԳԻ ՏՈՆԱՎԱՃԱՌՈՒՄ

Դեկտեմբերի 14-ին, Ստրասբուրգի Սենտ Թոմաս հրապարակում, կայացավ Սուրբ Ծննդյան տոնավաճառի հայկական տաղավարի բացման հանդիսավոր արարողությունը:

Միջոցառման պատվավոր հյուրերն էին Հայաստանի կրթության փոխնախարար Ալֆրեդ Քոչարյանը, Եվրոպայի խորհրդում Հայաստանի մշտական ներկայացուցիչ Արման Խաչատրյանը, Ստրասբուրգի քաղաքապետ Ժանմա Բարսեղյանը, տեղի հայկական համայնքի ներկայացուցիչներ:

Հայաստանի կրթության, գիտության, մշակույթի եւ սպորտի նախարարության նախաձեռնությամբ, ԵՄ-ում Հայաստանի մշտական ներկայացուցչության համագործակցությամբ եւ Հովհաննես Շարաճեթյանի անվան ժողովրդական արվեստների թանգարանի համակարգմամբ, Հայաստանն առաջին անգամ մասնակցում է Եվրոպայում լայն ճանաչում ունեցող Ստրասբուրգի Սուրբ Ծննդյան տոնավաճառին:

Տոնավաճառի հայկական տաղավարում ավելի քան 60 հայ վարպետների 400 տարատեսակ ձեռագործ աշխատանքներ են ներկայացված:



ՎՐԱՑԱԿԱՆ ՊԵՏԱՄԱՐԱՆԵՐԵՐՈՎ 1154 ԱՎՏՈՄԵԶԵՍՆԵՐԻ ՄԱՁՍՍՅՈՒՆ ԶԵՎԱԿԵՐՊՈՒՄ

Հայաստանի կառավարության կողմից ընդունված աջակցության ծրագրի շրջանակում, 2023 թվականի դեկտեմբերի 12-ի դրությամբ, արդեն իսկ 1154 օտարերկրյա համարանիշներով ավտոմեքենաներ ստացել են մաքսային չեւակերպումներ: Կառավարության աջակցության ծրագիրը գործում է մինչեւ 2023 թվականի դեկտեմբերի 30-ը ներառյալ:

Ծրագրի մանրամասները` <https://src.am/am/getNews/281>

ՄԵԿ ՇԵՋՐԻՆ ԲԱԾԻՆ ԸՆԿՆՈՎ ՀՆԱ-Ի ՑՈՒՅԱՆԻՇՈՎ ՀԱՅԱՍՏԱՆԸ ՏԱՐԱԾԱՆԵՐՁԱՆԻ ԱՌԱՋԱՏԱՐԵ Է

Արժույթի միջազգային հիմնադրամի հրապարակած տվյալների համաձայն` Հայաստանը Հարավային Կովկասի տարածաշրջանում առաջատար է մեկ շնչին բաժին ընկնող ՀՆԱ-ի (համախառն ներքին արդյունք) ցուցանիշով:

Ըստ Արժույթի միջազգային հիմնադրամի` 2023 թվականին, մեկ շնչին բաժին ընկնող ՀՆԱ-ն Հայաստանում կազմում է 8280 դոլար:

Տարածաշրջանում, Վրաստանում մեկ շնչին բաժին ընկնող ՀՆԱ-ն, կազմում է 8160, իսկ Ադրբեջանում` 7530 դոլար:

Հայաստանի հարեւան Իրանում, ըստ Արժույթի միջազգային հիմնադրամի, մեկ շնչին բաժին ընկնող ՀՆԱ-ն 2023-ին 4230 դոլար է, իսկ Թուրքիայում` 13380 դոլար:

ՀԱՅՎԱԿԱՆ «ԱՄԵՐԻԿԱՅԻ» ՑԻԼԸ` «ՈՍԿԱՐԻ» ԵՐԿՐՈՐԳ ՕՈՒՈՒՄ

Ռեժիսոր Միքայել Գուրջյանի «Ամերիկացի» ֆիլմը հայտնվել է Ամերիկյան կինոակադեմիայի «Օսկար» մրցանակաբաշխության «Լավագույն օտարերկրյա ֆիլմ» անվանակարգի երկրորդ փուլում: Այն 15 ֆիլմերի շարքում է, որոնք ընտրվել են առաջին փուլում տարբեր երկրներից ներկայացված 88 ֆիլմերից:

Վերջնական ցուցակը հայտնի կդառնա 2024 թվականի հունվարի 24-ին, 15-ից կնորվեն 5-ը:

Հատկանշական է, որ հայկական ֆիլմի պատմությունը այսօրինակ հաջողություն գրանցում է առաջին անգամ:

ՄԱՁԱՅԵԼ Է «ԱՐԱՐԱՏ 73»-Ի ՑՈՒՏԵՐՈՒՄ ՆԵՐԿՈՒՅ ԳԱՅԱՐՅԱՆԸ

Կյանքից հեռացել է «Արարատ-73»-ի ֆուլբրոլիստ Նիկոլայ Ղազարյանը: Նիկոլայ Ղազարյանի մահվան պատճառը ծանր հիվանդությունն էր:



Նիկոլայ Ղազարյանը ծնվել է 1947 թվականին: 1969 թվականից ընդգրկվել է «Արարատի» կազմում, 1973 թվականին դարձել է ԽՍՀՄ գավաթակիր եւ առաջնության ոսկե մեդալակիր: Եղել է ԽՍՀՄ պատանեկան եւ երիտասարդական հավաքականների անդամ: Մասնակցել է 229 խաղի, խփել` 49 գնդակ:

ՄԱՁԱՅԵԼ Է ԵՐԳԻՉ ԱՐԱ ՄԱՐՏԻՐՈՍՅԱՆԸ

Դեկտեմբերի 15-ին, 46 տարեկանում, կյանքից հեռացել է երգիչ Արա Մարտիրոսյանը: Նա հիվանդանոց էր տեղափոխվել սուր սիրտ-անոթային եւ շնչառական անբավարարությամբ, ծայրահեղ ծանր վիճակում: Ժամեր շարունակ բժիշկները պայքարել են երգչի կյանքը փրկելու համար, սակայն, զրանցվել է սրտի կանգ:



ԵԿԵՂԵՑԱԿԱՆ



ԴԵԿՏԵՄԲԵՐ

25.12.2023 Սուրբ Ստեփանոս Նախավկայի եւ առաջին մարտիրոսի հիշատակության օր

26.12.2023 Սուրբ Պետրոս եւ Պողոս առաքյալների հիշատակության օր

28.12.2023 Սուրբ Որոտման Որդիների՝ Հակոբոս առաքյալի եւ Հովհաննես ավետարանչի հիշատակության օր

29.12.2023 Բարեկենդան Սուրբ Ծննդյան պահքի Սուրբ Ծննդյան պահքի Բարեկենդանն անփոփոխ ճշվում է դեկտեմբերի 29-ին, այսինքն՝ Սուրբ Ծննդից 7 օր առաջ: Սուրբ Ծննդյան պահքն իր մեջ ընդգրկում է նաեւ Նոր Տարվա տոները մինչեւ հունվարի 5-ը՝ Սուրբ Ծննդյան ճրագալույցը:

ՀՅՈՒՄԱՆԱՐ

«ԱԳՈՒՎՆ ԱՍԱՑ»-Ը՝ ՆՈՅԵՄԲԵՐՅԱՆՈՒՄ ԵՎ ԿՈՂԲՈՒՄ

Դեկտեմբերի 16-ին Թբիլիսիի Պետրոս Առաքյալի անվան պետական հայկական դրամատիկական թատրոնը ժամանակակից գրող, դրամատուրգ Արմենուհի Սիսյանի «Ագռավն ասաց» մոնոդրամայով ներկայացավ Հայաստանի Նոյեմբերյան քաղաքի Մշակույթի կենտրոնում, իսկ 17-ին՝ երկրի ամենամեծ՝ Կոլոր գյուղում:



Հյուրախաղը հնարավոր էր դարձել Հայաստանի կրթության, գիտության, մշակույթի եւ սպորտի նախարարության աջակցությամբ: Ընթերցողին հիշեցնեց, որ «Ագռավն ասաց» մոնոդրամայացուն՝ մեկ դերասանի՝ Աշոտ Սիմոնյանի խաղով, Աննա Սոփրոմանի նկարչական եւ Լեւոն Ուզունյանի երաժշտական ձեւավորմամբ առաջին անգամ բեմադրել է հենց Թբիլիսիի պետական դրամատիկական թատրոնի գեղարվեստական ղեկավար Արմեն Բայանդուրյանը: Առաջնախաղը կայացել է Թբիլիսիի Ալեքսանդր Գրիբոյեդովի անվան ռուսական դրամատիկական թատրոնում, 2019 թվականին:

ՍՄՐԻԱՍ ԴԱՆԵԼՅԱՆ

ԱՄԱՆՈՐԻՆ ԸՆԴԱՈԱՋ

«ԱՄԱՆՈՐԻ ԳՅՈՒՂԸ» ԸՆԴՈՒՆԵՑ ԱՌԱՋԻՆ ՀՅՈՒՐԵՐԻՆ

Թբիլիսիում, Օրբելիանիի հրապարակում եւ հարակից փողոցներում, ինչպես նաեւ մայրաքաղաքի «Դեղա Էնա» այգում, իր հյուրընկալ դռները բացեց «Ամանորյա գյուղը»:

Մեր մայրաքաղաքը կախարհական է ու գեղեցիկ: Դուք կարող եք տեսնել, թե ինչպես է այն զարդարված Ամանորին: Մենք արդեն վառել ենք երկրի գլխավոր տոնածառը, բարեմաղթանքներ հղել: Մինչեւ հունվարի 7-ը՝ Օրբելիանիի հրապարակում եւ «Դեղա Էնայի» այգում, կանցկացվեն տարբեր միջոցառումներ: Բացի այդ, կա սահադաշտ, որն օգտագործում են շատ մարդիկ: «Ամանորյա գյուղում» ներկայացված են շուրջ հինգ հարյուր ձեռներեցներ եւ նրանց արտադրանքը: Եկեք, ընկերներ: Հավատացե՛ք, ձեզ հաճելի օրեր են սպասվում, - Օրբելիանիի հրապարակում «Ամանորյա գյուղի» բացմանը հայտարարեց Թբիլիսիի քաղաքապետ Կախա Կալաձեն, ասելով, - մինչեւ հունվարի 7-ը կգործեն ցուցահանդես-վաճառք՝ «Սուրբ Ծննդյան շուկա», գաստրո-



մոմիական եւ բիզնես շուկաներ, թատերական երթեր եւ ներկայացումներ, իլյուզիոնիստների շոու, տիկնիկային թատրոնի ամանորյա ներկայացում, բացի այդ, կլինեն սահադաշտ եւ թեմատիկ ֆոտոգոտիներ: Երեկոյան տեղի կունենան տարբեր խմբերի, վոկալիստների ու անսամբլների համերգներ:

ՍԻՄՈՆ ԿԻԼԻՉԵ

ԶԳՈՒՇԱՑՈՒՄ

ԺՇԱՏԵՐԵՎ ԾԱՌԵՐԻ ՈՒ ԲՈՒՅՏԵՐԻ ՀԱՏԱՆ, ՏԵՂԱԳՈՒՍՄԱՆ ԵՎ ԻՐԱՆՄԱՆ ՀՍԿՈՂՈՒԹՅՈՒՆԸ ԽՍՏԱՅՎՈՒՄ Է ՏՈՒԳԱՆՔՆԵՐԸ ՀԱՍԵԼ ԵՆ 5 ՀԱՋԱՐ ԼԱՐԻԻ

Վրաստանի բնապահպանության եւ գյուղատնտեսության նախարարության համապատասխան ծառայությունները, Ամանորից առաջ, խստացնում են հսկողությունը՝ փշտերեւների հատման եւ տեղափոխման ուղղությամբ:

Ազգային անտառտնտեսության գործակալության «Մի՛ կտրիր տոնածառը» ակցիային միացել են հայտնի մարդիկ եւ կրկին կոչ են արել բնակչությանը՝ տոներին արհեստական տոնածառ օգտագործել: Փշտերեւների ապօրինի հատման, տեղափոխման եւ իրացման տուգանքը առաջին անգամ կազմում է 2000 լարի, կրկնվելու

դեպքում՝ 5000 լարի՝ գումարած շրջակա միջավայրին հասցված վնասի չափը: Եթե վնասի չափը գերազանցի 1000 լարին, ապա ամենը կենթարկվի քրեական պատասխանատվության: Փշտերեւները կարող են օրինական կերպով ձեռք բերել տնկարաններում, տնային տնտեսություններում եւ ներմուծման ճանապարհով:

Օրինական ճանապարհով ձեռք բերված ծառերի ու բույսերի վաճառքի դեպքում՝ վաճառողը պետք է ներկայացնի ծառի ու բույսի օրինական սեփականության իրավունքը հաստատող համապատասխան փաստաթուղթ: Եթե փշտերեւ բույսը ձեռք է բերվել մասնավոր սեփականություն հանդիսացող հողամասում կամ արհեստականորեն աճեցված տնկարանում, ապա, բույսերի տեղափոխման համար, պարտադիր է տեղական մունիցիպալիտետի քաղաքապետարանի կողմից տրված ծագման վկայականը:

	1		2		3		4		5		6
7							8	9			
					10				11	12	
	13	14					15				
16					17						
				18				19	20	21	22
	23		24			25			26		
27								28			
			29		30		31				
32					33				34	35	
			36						37		38
39					40	41			42		
			43						44		
45					46				47		
			48						49		

Խ Ա Չ Բ Ա Ռ

ՀՈՐԻԶՈՆԱԿԱՆ. 7.Կառք: 8.Բանկ Հայաստանում: 10.Վարպետ (ժող.): 11.Վարդ ուտող բողոճ: 13.Խոզի խժեռելիք: 15.Գյուղական «սպագետտի»: 16.Կին փառաստանի քաղաք Ֆրանսիայում: 17.Հին ժողովուրդ՝ ներկայիս Ռումինիայի տարածքում: 19.Ծառի կոճղ: 23.Իտալացիների ազգային ուտեստ: 26.Սաջուր: 27.Դիեզ, բեկար, ...: 28.ԱՄՆ ազգային ժողով: 29.Հրեշ: 32.Արհեստական լեզու: 33.Հայոց աստվածուհի: 36.Հսկա շան տեսակ: 37.Արգանակի խորանարդիկ: 39.Դեղաբույս: 40.Մարմելադ սարքելու ջրիմուռ (ժելատին): 42.«Հախտվ» արվեստ: 43.Աղամաթուզ: 44.Բագիրայի ընկեր ծուռ-թաթը: 45.Միայն թե: 46.Վարող գործիք: 47.Ֆրանսիացի ինժեներ ու արդյունաբերող ժան Ֆրանսուա ...: 48.Հարեան: 49.Մնում է ձկան կոկորդոն: **ՈՒՂՈՒՆՅԱՆ.** 1.Ապակե տարա: 2.Դաշմանուրի մաս: 3.Մարդու ապրելու համար անհրաժեշտ «էներգիա»: 4.Հունոր: 5.Ջարդ: 6.Գետ եվրասիայի հյուսիսում: 9.Պահանջ: 12.Մեղան: 14.Մասնակից: 18.Վրացական բջջային կապ: 20.... բշմամի: 21.Մածնաջուր: 22.Հավի կեր: 23.Ջագուն հնչող երաժշտության հեղինակը: 24.Ընտանի կենդանի: 25.Հնձած հացաբույս: 30.Ընկուզանման պտուղ, կաստանայ, կասկ: 31.Մարմնի մաս: 34.Թավայի մեջ պատրաստված: 35.Տարածք: 36.Գետ հայկրացական սահմանում: 38.Ոլորած մետաղալար: 41.Գարեջրի հիմքը:

Կազմեց ԷԼԼԱ ԱՌԱՔԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Դաշտենց: 4.Դասական: 10.Դամ: 11.Կարո: 12.Մերանի: 15.Որակ: 16.Երեր: 17.Մարաբու: 19.Այն: 20.Այրի: 21.Արիստա: 23.Պա: 24.Ածել: 25.Եք: 27.ճոն: 28.Մեղիք: 30.Ամուլ: 32.Այր: 33.Բե: 34.Նետ: 35.Պարս: 37.Աղոթք: 39.Նալ: 41.Բե: 42.Մարալ: 43.Մեղեա: 44.Արատ: 45.Բրա: 46.Ռի: 47.Նա: 48.Ռոպեի: 50.Քսան: 52.Ազատ: 54.Ապուլ: 55.Գամ: 56.Ամպ: 58.Ապագա: 59.Թամար: 60.Ան: 61.Ռուր: 62.Արի: **ՈՒՂՈՒՆՅԱՆ.** 1.Դումբաձե: 2.Շերենց: 3.Նաիրյան: 4.Դա: 5.Ամարա: 6.Ակոբիձե: 7.Կարուսել: 8.Արա: 9.Նոկիա: 10.Դեմիրճյան: 13.Ար: 14.Նեպոլ: 18.Արամ: 22.Տվիր: 26.Քանաքեռ: 27.ճուտո: 29.Քեթեան: 31.Մեղեղի: 35.Պլատոն: 36.Սալբի: 38.Թվանք: 40.Ամարա: 49.Ջավար: 50.Քան: 51.Շուշան: 53.Արագ: 54.Ապրի: 55.Գառ: 56.Ամա: 57.Մար:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺԺԸՈՆԵ 0105, ՃԱՄՐԵՅԸՈՆ ԺՅԻԱ 5.

Մեր հասցեն՝ Թբիլիսի 0105 Գ.Աթոնելի փ. 5

ԹՅԸ. Հեռ. 2990-739, 2990-774

www.vrastan.ge E-mail: vrastan.press@gmail.com

Գրանցման վկայական № 4 Կ - 1439

«ԿՈՆՈՐ» հրատարակչություն

«ՑՈՅԵԺԵՈ»

ՄԺԺԸՈՆԵ, ՆԱՅՅԵՄՅԸՈ

“ВРАСТАН”

Тбилиси, Грузия

<VRASTAN>

Georgia, Tbilisi

Индекс 66445